

O BNG reclama a retirada da simboloxía franquista do Templo Votivo do Mar en Panxón.

Escrito por Redaccion @valminorinfo
Xoves, 11 Setembro 2014 14:03



Os nacionalistas de Nigrán reclaman a retirada dunha placa de mármore “*carente de calquera simboloxía relixiosa*” e destinada a lembrar a José Primo de Rivera e aos “*caídos do bando vencedor*”, situada no Templo Votivo do Mar en Panxón. Nese senso, Xavier Rodríguez, voceiro do BNG-Nigrán, presentou unha moción de acordo a debaterse no vindeiro pleno de Nigrán. Na mesma, solicítase que o goberno municipal realice xestións ante o bispo da diocese de Tui-Vigo, “*ofrecéndolle a colaboración do Concello se é necesario*” coa finalidade de acadar a retirada desta simboloxía franquista da igrexa.

Lembran que xa pasaron máis de corenta anos de rematada a ditadura franquista e case sete da aprobación da lei de Memoria Histórica, que obriga a retirar dos espazos públicos toda conmemoración ou exaltación “*persoal ou colectiva, da sublevación militar, da Guerra Civil e da represión da ditadura*”.

Denuncian que sen embargo, a devandita placa permanece “*incomprensiblemente*” e “*ben visible*” nun dos monumentos emblemáticos de Nigrán. A mesma presenta unha relación dos mortos do bando franquista na guerra civil.

O BNG reclama a retirada da simboloxía franquista do Templo Votivo do Mar en Panxón.

Escrito por Redaccion @valminorinfo
Xoves, 11 Setembro 2014 14:03

“Franco, certamente, pertence á historia, pero non cabe que símbolos que renden recoñecemento social á ditadura permanezan nos espazos públicos do concello, a non ser que se comparta ese recoñecemento ”, sinala Xavier Rodríguez.

Entende que por outra banda, *“supón unha ofensa e provoca un sufrimento innecesario a moitos familiares de persoas perseguidas e represaliadas durante a guerra e os anos seguintes, constituíndo un agravio inútil para aquelas persoas que non secundaron a ideoloxía da ditadura ”*.

“Estes símbolos non teñen sentido nunha democracia polo que cómpre levar a cabo as accións precisas para facilitar a súa retirada tal e como establece a lei, dando deste xeito resposta aos sentimentos democráticos da cidadanía ”, conclúe.